



Republika e Kosovës
Republika Kosova - Republic of Kosovo
Komisioni Qendror i Zgjedhjeve
Centralna Izborna Komisija
Central Election Commission



Në bazë të nenit 44 dhe 64.2, pika (a) dhe (b) dhe nisi 128.2 të Ligjit nr. 03/L-073 për Zgjedhjet e Përgjithshme në Republikën e Kosovës dhe Ligjit nr. 03/L-256 për Ndryshimin dhe Plotësimin e Ligjit nr. 03/L-073 për Zgjedhjet e Përgjithshme në Republikën e Kosovës dhe nisi 17 dhe 20 të Ligjit nr. 03/L-072 për Zgjedhjet Lokale në Republikën e Kosovës, Komisioni Qendror i Zgjedhjeve me datë 02.03 2013 nxjerr:

RREGULLËN ZGJEDHORE Nr. 13/2013
FUSHATA E ZGJEDHJEVE DHE NJOFTIMI PËR NGJARJET
POLITIKE

Neni 1

Dispozitat e përgjithshme

Kjo rregullore ka për qellim të rregullojë: organizimin dhe mbajtjen e tubimeve publike, përbajtjen e materialeve te shtypura te fushatës zgjedhore, rastet e veprimeve para ditës se zgjedhjeve, rolin e pjesëtareve te sigurisë gjate tubimeve publike, rolin e KKZ-së, të drejtat e subjekteve politike dhe sanksionet.

Neni 2
Përkufizimet

- 2.1 **Me “periudhë të fushatës së zgjedhjeve”** - nënkuftohet periudha prej tridhjetë (30) ditëve për fushatën zgjedhore të subjekteve politike e cila përfundon një (1) ditë para ditës së zgjedhjeve, gjatë të cilës subjekteve politike të certifikuara u lejohet që aktivisht t'i promovojnë platformat e tyre politike, idetë dhe parimet me qëllim që t'i fitojnë votat e elektoratit në favor të kandidatëve të tyre. Kohëzgjatja e fushatës për Raundin e Dytë të Zgjedhjeve për Kryetarë të Komunave caktohet me vendim të veçantë të KQZ-së.
- 2.2 **Me “tubim politik”** - nënkuftohet tubimi publik që mbahet në hapësira të myllura ose të hapura, grumbullimi, diskutimi, marshimi ose debati publik i ideuar me qëllim të përhapjes së porosisë politike për të fituar përkrahjen e votuesve dhe që zhvillohet në përputhje me dispozitat e ligjeve në fuqi.

- 2.3 “**Subjekti politik**” - (SP) do të thotë parti politike, koalicion, nismë qytetare ose kandidati pavarur.
- 2.4 **Me “përfaqësues” të subjektit politik (SP)** - nënkuftohen anëtarët dhe kandidatët e subjektit politik dhe personat e ngarkuar nga subjekti politik për të ndihmuar në përgatitjen dhe zhvillimin e fushatës së zgjedhjeve.
- 2.5 **“Komisioni Komunal i Zgjedhjeve” (KKZ)** - është organ përgjegjës për zbatimin e aktiviteteve zgjedhore brenda territorit të komunës.

Neni 3

Materialet e shtypura të fushatës së zgjedhjeve

- 3.1 Të gjitha materialet e shtypura, ato audiovizuale dhe materialet e tjera të zgjedhjeve duhet ta mbajnë emrin e subjektit politik të certifikuar që e ka porositur përgatitjen e materialit të tillë.
- 3.2 Materiali i zgjedhjeve nuk duhet të përbajë reklama komerciale.
- 3.3 Autoritetet komunale duhet t’i caktojnë vendet e posaçme për ekspozimin e materialit të shtypur të zgjedhjeve dhe të materialit të informimit publik të përgatitur nga KQZ-ja. Vendet e tillë duhet të caktohen në hapësirat më të frekuentuara dhe më të dukshme në atë komunë. KQZ-ja përmes ZLKZ-së komunikon me autoritetet komunale për përcaktimin e hapësirave ku KQZ mund të vendosë materialet zgjedhore për informim publik.
- 3.4 Materialet e zgjedhjeve nuk duhet të vendosen brenda hapësirës së institucioneve publike, shkollave, objekteve fetare, ose objekteve në pronësi shtetërore, në monumente, ndërtesa, struktura dhe objekte të cilat kanë vlerë historike, kulturore, fetare ose arkitekturore, brenda ndërtesave dhe zyrave të KQZ-së dhe brenda qendrave të votimit ose në një largësi prej më pak se njëqind (100) metrash nga hyrja e tyre.
- 3.5 Materialet e shtypura të zgjedhjeve mund të ekspozohen edhe brenda objekteve në pronësi private, ndërtesave, strukturave, ose objekteve të tjera, përvç atyre të saktësuara në nenin 3.4 te kësaj rregulle, pas miratimit paraprak të pronarëve të tyre.
- 3.6 Cilido subjekt politik i certifikuar duhet të ekspozojë materialin e vet të zgjedhjeve në atë mënyrë që të mos e pengojë pamjen e materialeve të zgjedhjeve që u përkasin subjekteve të tjera politike të certifikuara.

- 3.7 KKZ-të duhet që aktivisht ta monitorojnë shfrytëzimin e materialeve të shtypura, atyre audiovisuale dhe të çfarëdo materialeve të tjera të zgjedhjeve të subjekteve politike të certifikuara gjatë periudhës së fushatës së zgjedhjeve. Në rast të shkeljes së Kodit të Sjelljes për zgjedhjet ose të dispozitiveve të përcaktuara me Rregullat e Zgjedhjeve të KQZ-së ose ligjt në fuqi, KKZ-të duhet që menjëherë ta informojnë subjektin politik në fjalë që të marrë masa korriguese. Nëse shkeljet përsëriten nga i njëjtë subjekt politik ose i njëjti refuzon që t'i korrigjojë shkeljet e identifikuara, KKZ-ja duhet ta raportojë rastin në Panelin Zgjedhor për Ankesa dhe Parashtresa (PZAP)

Neni 4

Organizimi dhe mbajtja e tubimeve publike

- 4.1 Subjektet politike të certifikuara nuk duhet t'i mbajnë tubimet publike brenda hapësirës së ndërtesave që shfrytëzohen nga Qeveria, Institucionet dhe Agjencitë e Pavarura të Republikës së Kosovës ashtu siç përcaktohen në Kreun XII të Kushtetutës së Republikës së Kosovës, në shkolla gjatë orëve të mësimit, spitale, objekte të FSK-së, objektet e kultit, objekte fetare, ose vende në pronësi private pa pëlqimin e pronarëve të tyre. Shkollat nuk duhen të përdorën për tubime publike përvèç nëse KQZ-ja dhe Qeveria e Kosovës pas memorandum marrëveshjeve vendosin ndryshe që ato të përdorën vetëm pas orarit të punës.
- 4.2 Subjekti i certifikuar politik që dëshiron të organizojë dhe të mbajë një tubim politik gjate periudhës se fushatës zgjedhore duhet që te Zyrtari i Lartë Komunal i Zgjedhjeve i asaj komune (ZLKZ) ta dorëzojë formularin e plotësuar të Njoftimit për Mbajtjen e Tubimit Politik (FNjMTP), si në Shtojcën 1, më së voni shtatëdhjetë e dy (72) orë përpara.
- 4.3 ZKZ-ja, pas marrjes së një FNjMTP-je nga një subjekt politik duhet që:
- pas pranimit të rekandimit nga policia dhe më së largu 48 orë përpara fillimit të ngjarjes së planifikuar publike, të informojë SP se nuk kundërshtohet në rast se nuk janë dorëzuar FNjMTP të ngjashme nga subjektit e tjera politike për mbajtjen e një tubimi publik ne vendin dhe kohën e njëjtë ose në kohën dhe vendin e përafërt gjegjës;
 - më së largu 48 orë përpara fillimit të ngjarjes së planifikuar publike të vendosë secili subjekt politik do ta mbajë tubimin publik, e cili jo, në rast se është dorëzuar një FNjMTP tjetër nga një subjekt tjetër politik për mbajtje ne një tubimi publik në vendin dhe kohën e njëjtë ose për kohën dhe vendin e përafërt gjegjës. ZLKZ-ja do t'i japë përparësi atij SP i cili e ka dorëzuar kërkësen së pari dhe të refuzojë FNjMTP- në e SP i cili e ka dorëzuar

kérkesën më vonë. ZLKZ-ja duhet menjëherë t'i informojë subjektet politike në mënyrë të duhur.

- c) më së largu 48 orë përpara fillimit të ngjarjes së planifikuar publike, të refuzojë FNjMTP-në në rast se :
- policia rekomandon që të bëhet kjo, apo
 - FNjMTP-ja nuk respekton këtë Rregull apo legjisacionin tjeter në fuqi.
- 4.4 Subjekti politik i certifikuar që ka marrë përgjigje negative nga një ZLKZ në kérkesën për mbajtjen e tubimit publik si në 4.3(b) te kësaj rregulle, mund të ushtrojë ankesë ndaj atij në PZAP.
- 4.5 Subjekti politik i certifikuar do ta mbajë tubimin publik duke i respektuar të gjitha parimet ligjore me të cilat rregullohen tubimet publike.
- 4.6 ZLKZ-ja duhet të mbajë shënimë për të gjitha FNjMTP-të e marra dhe kopjet e letërkëmbimit me shkrim me subjektet politike dhe policinë, për çdo referim në të ardhmen.
- 4.7 ZKZ-ja është përgjegjës të mbajë koordinim të vazhdueshëm me policinë dhe të informoj për çdo shkelje të Kodit të Sjelljes për subjektet politike dhe përfaqësuesit e tyre që mund të ndodhin gjatë tubimeve publike. Raportet e policisë në lidhje me prishjen e ndonjë ngjarje politike i vihen ne dispozicion KQZ-së dhe PZAP-it. Çdo shkelje serioze duhet që menjëherë të raportohet në PZAP për veprim të mëtejshëm nga ana e tyre.
- 4.8 Mosmarrëveshjet në lidhje me mbajtjen e ndonjë ngjarje politike në vendet publike mund të shqyrtohen dhe zgjidhen nga PZAP-i.

Neni 5

Te drejtat e subjekteve politike gjatë mbajtjes së tubimeve politike

- 5.1 Gjatë periudhës së fushatës së zgjedhjeve, subjektet politike të certifikuara kanë të drejtë të:
- (a) organizojnë dhe mbajnë tubime publike, tryza të rrumbullakëta, konferanca për shtyp, intervista, fjalime ose ndonjë aktivitet tjeter të ngashëm, përmes të cilave ata mund t'i shprehin lirisht mendimet e tyre me qëllim të fitimit të përkrahjes nga votuesit e tyre;
- (b) publikojnë dhe shpërndajnë afishe, reklama dhe material tjeter lidhur me një fushatë zgjedhore, dhe

- (c) të bëjnë fushatë përmes cilitdo operator televiziv, të radios apo kabllor, gjithashtu edhe përmes revistave, shtypit, rrjetit telefonik, sistemit postar ose çdo lloj mjeti tjetër reklamues.
- (d) Subjektet e certifikuara politike aktivitet e tyre zgjedhore duhet t'i bëjnë në pajtueshmëri me rregullat zgjedhore të Komisionit Qendrorë Zgjedhor (KQZ) Kodin e Mirësjelljes të nxjerrur nga Komision i Pavarur i Mediave dhe të ndonjë legjislacioni tjetër në fuqi.
- 5.2 Në fushatën e zgjedhjeve të asnjë subjekti politik të certifikuar nuk mund të përfshihen kategoritë e të punësuarve në; Institucionet shtetërore dhe publike, Forcat e Sigurisë së Kosovës (FSK), Policia e Kosovës dhe personeli i tyre, organizatat bamirëse dhe fetare, përfaqësuesit e bashkësive fetare, KQZ-ja, Sekretariati i KQZ-së dhe Komisionet Komunale të Zgjedhjeve (KKZ) dhe përfaqësuesit e organizatave të mjeteve të informimit masiv, kur ata janë të angazhuar në aktivitetet e tyre profesionale si dhe personat të cilët nuk i kanë mbushur 18 vjet në Ditën e Zgjedhjeve.

Neni 6

Pjesëtarët e armatosur të njësisë për mbrojtje nga afërsia në tubimet publike

Anëtarët e njësisë për mbrojtje nga afërsia, të autorizuar nga autoriteti i ligjit në fuqi për bartjen e armëve, të cilët janë në detyrë, identifikohen paraprakisht në çdo tubim dhe pas kërkesës së zyrtarit të pranishëm të Policisë së Kosovës. Të gjitha armët që mbahen duhet të mbahen të fshehura.

Neni 7

Tubimet e paautorizuara publike

- 7.1 Çdo tubim publik i mbajtur pa e dorëzuar FNjMTP-në ose pas refuzimit të FNjMTP- së nga ZLKZ-ja ose policia, është i paautorizuar dhe do të konsiderohet shkelje e kësaj rregulle.
- 7.2 Nëse ZLKZ-ja ose zyrtarët e Policisë së Kosovës hasin në tubim publik të paautorizuar, ata duhet ta informojnë PZAP-in për hollësitë e tubimit publik: për kohën, vendin, numrin e pjesëmarrësve në atë tubim publik, për subjektin politik që e mban tubimin publik, si dhe çdo informatë tjetër relevante lidhur me atë tubim publik.

Neni 8

Veprimet e ndaluara para dhe gjatë ditës së zgjedhjeve

- 8.1 Gjatë periudhës 24-orëshe para hapjes së vendvotimeve për zhvillimin e votimeve, e deri në mbyllje të tyre, subjekteve politike dhe përfaqësuesve të tyre u ndalohet kryerja e çfarëdolloj aktiviteti që lidhet me fushatën e zgjedhjeve, siç janë:
- a) mbajtja e takimeve për qëllime të fushatës së zgjedhjeve;
 - b) shpërndarja ose eksposimi i çfarëdolloj materiali në cilëndo qendër të votimit, ose brenda hapësirës prej njëqind (100) metresh përreth, me qëllim të ndikimit në votues ose të kërkimit të mbështetjes nga personat që hyjnë në qendrat e votimit për të votuar;
 - c) shfrytëzimi i megafonave ose i sistemeve të tjera për t'iu drejtuar publikut kudo qoftë në Kosovë me qëllim të ndikimit në votues, ose organizimi i çfarëdo manifestimi, procesioni ose demonstrate të natyrës politike ose pjesëmarrja në të;
 - d) shitja, furnizimi, blerja, shërbimi ose konsumimi i pijeve alkoolike më afér se njëqind (100) metra nga cilado qendër e votimit në ditën e zgjedhjeve;
 - e) shfrytëzimi i mediave lokale ose ndërkontinentare me qëllim të ndikimit në votues;
 - f) zhvillimi i çfarëdolloj fushatës së zgjedhjeve në objektet e qendrës së votimit;
 - g) mbajtja e kartelave të zgjedhjeve, distinktivëve ose e shenjave të tjera të zgjedhjeve nga anëtarët e këshillit të vendvotimit, vëzhguesit e akredituar ose votuesit në Ditën e Zgjedhjeve që promovojnë një subjekt të caktuar politik.
- 8.2 Rezultatet e anketave të hulumtimit të opinionit publik ose analizat në lidhje me qëllimet e votimit të zgjedhësve në zgjedhje, nuk duhet të publikohen ose t'i kumtohen publikut gjatë kësaj periudhe, duke filluar pesë (5) ditë para hapjes së vendvotimeve dhe duke përfunduar me mbylljen e votimeve.
- 8.3 Të gjitha SP të cilat nuk kanë larguar materialet e fushatave të tyre zgjedhore të vendosura brenda dhe rrëth cilitdo VV ose QV në rreze prej 100 metra, çfarëdo materiali i tillë i mbetur 24 orë para fillimit të votimit. Subjektit politike të cilave i është gjetur ndonjë material të fushatës zgjedhore pas afatit kohor të vendosur duhet të raportohen në PZAP për shkelje të kësaj rregulle dhe legjislacionit në fuqi.

Neni 9
Sanksionet

Përveç përgjegjësisë individuale për cenimin e cilësdo dispozitë të Rregullës për Fushatën e Zgjedhjeve dhe Njoftimit për ngjarje Politike, që është e ndëshkueshme me Kodin Penal të Kosovës, cenimet gjithashtu mund t'i referohen Panelit Zgjedhor për Ankesa dhe Parashtresa. Paneli Zgjedhor për Ankesa dhe Parashtresa mund t'i shqiptojë sanksione subjektit politik që ka shkelur dispozitat e kësaj rregulle.

Neni 10
Dispozita kalimtare dhe përfundimtare

- 10.1 Me hyrjen ne fuqi te kësaj rregulle, shfuqizohet Rregulla Nr. 13/2009 Fushata e Zgjedhjeve dhe Njoftimi për Ngjarjet Politike, e datës 25.06.2009.
- 10.2 Pjese përbërëse e kësaj Rregulle është edhe shtojca;
Shtojcat – I Formulari për Tubime Publike

Neni 11
Hyrja në fuqi

Kjo rregull hyn në fuqi më datë 02.07.2013.

Kryetari i Komisionit Qendror të Zgjedhjeve

Valdete Daka

